

Ono što bi trebala svaka hanuma da pročita

<"xml encoding="UTF-8?">

Život uz supruga

Zadatak žene je da pruži podršku i da se brine o suprugu. To nije lahka obaveza. One žene koje nisu svjesne ove odlike i svoje uloge, mogu naići na teškoće u ispunjavanju zadatka. To je posao za ženu koja je svjesna da zadatak supruge zahtijeva viši stupanj mudrosti, stila i oštroumnosti. Da bi žena bila uspješna supruga, ona mora osvojiti srce svog supruga i biti izvor utjehe za njega. Ona bi ga trebala podsticati da čini dobra djela i odvrćati ga od loših. Ona bi, također, trebala preduzeti odgovarajuće mjere da održi njegovo zdravlje i blagostanje. Njeni naponi su usmjereni prema oblikovanju muškaraca u pažljivog i poštovanog supruga koji bi bio pravi vođa svojoj porodici i dobar otac od kojeg bi djeca tražila savjete i pažnju. Allah Sveznajući, je obdario ženu izvanrednom moći. Prosperitet i sreća, kao i propast porodice, u njenim su rukama. Žena može pretvoriti dom u uzvišeni Džennet ili u užareni Džehennem. Ona može dovesti svog supruga do vrhunca uspjeha, ili do dna, ponora i bijede. Žena s kvalitetima podarenim od Allaha, koja je svjesna svoje uloge supruge, može uzvisiti svog muža do uvaženog čovjeka, čak iako je bio najniži od svih muškaraca. Jedan obrazovani učenjak je napisao: *"Žene posjeduju čudnu moć pomoću koje mogu postići što god požele."* Staranje o suprugu ima značajno mjesto u Islamu. Izjednačeno je s džihadom (svetim ratom na Allahovom putu). Hazreti Alija r.a., je izjavio: "Za ženu je džihad da se dobro stara o svom suprugu." S obzirom da je džihad borba i sveti rat na Allahovom putu uključujući borbu za napredak i čast Islama, odbranu islamskih teritorija i sprovođenje socijalne pravde, to je jedan od najvažnijih pobožnih djela. Vrijednosti ispunjavanja obaveza valjane supruge se također razmatra kada se govori o džihadu.

Vjerovjesnik Islama s.a.v.a. je rekao: ***"Svaka će žena, koja umre dok je njen muž zadovoljan s njom, ući u Džennet"***

Časni Poslanik je, također, rekao: ***"Ako žena ne ispunjava svoje obaveze kao supruga, ona ne ispunjava svoje obaveze prema Allahu"***

Ljubaznost

Svako osjeća potrebu za prijateljstvom i ljubaznošću. Svako želi da ga drugi vole. Srce ljudskog bića teži tome. Osoba koju niko ne voli, smatra sebe usamljenom i napuštenom. Draga hanuma! Vaš muž nije nimalo drugačiji. Njemu je potrebna ljubav i nježnost. Prije braka, ljubav i nježnost njegovih roditelja ispunjavali su ovu potrebu, ali sada, on očekuje od vas da je ispunite. Muškarac očekuje od svoje supruge prijateljstvo i ljubav, to je potreba svih ljudskih bića. On se marljivo trudi da bi zaradio za život i ugodio vama. On radi za vašu sreću, čak više nego vaši roditelji. Stoga, izrazite mu zahvalnost i volite ga, on će voljeti vas. Ljubav je dvosmjerna veza koja ujedinjuje srca. Dvadesetogodišnji mladić koji je došao u Teheran da studira na univerzitetu, zaljubljuje se u tridesetdevetogodišnju udovicu koja je bila njegova gazdarica. Do toga je došlo zato što je ova žena popunila svojom dobrotom prazno mjesto njegove majke u njegovom srcu. Ako je ljubav uzajamna, bračni temelj postaje jači, a opasnosti od razdvajanja su otklonjene. Vječna ljubav je, praćena dobrom i stalnom naklonjenošću, to liči veoma intimnom prijateljstvu. Ako volite svog supruga i dobar ste mu prijatelj, on će biti srećan i biće voljan da se bori i žrtvuje za vašu dobrobit. Čovjek koji uživa ljubav svoje supruge, rijetko pati od slabog zdravlja ili emocionalnih problema. Ako je čovjek lišen toplog i prijateljskog odnosa sa svojom suprugom, može postati obeshrabren i može početi izbjegavati svoj dom.

On može, na kraju krajeva provoditi veliki dio vremena izvan svog doma u potrazi za prijateljstvom i pažnjom. Može da kaže: "Zašto bih ja radio i izdržavao ljude koji me ne vole? Mogao bih se više provoditi i pokušati da nađem iskrene prijatelje." Žena može iskreno voljeti svoga supruga, a da to ne pokazuje i da to ne ispoljava tako često. Nije dovoljno da se uspostave prijateljske veze i da se uzme to zdravo za gotovo. Povremena izražavanja izjava kao što su: "Volim te", "Nedostaješ mi", "Sretna sam što te vidim", veoma mnogo pomažu u unapređivanju dobrih odnosa. Kada je suprug na putu, supruge bi trebalo da piše pisma u kojima mu govori da joj on nedostaje. Ako suprug ima telefon u kancelariji, žena bi mu trebalo povremeno da telefonira, ali ne prečesto. Ona bi trebalo da ga hvali pred prijateljima i rodbinom kada je odsutan i brani ga ako neko govori protiv njega. Svemogući Allah upućuje na ovu vezu

ljubavi i naklonosti muža i žene u Kur'anu:

"I jedan od dokaza Njegovih je to što za vas, od vrste vaše stvara žene da se uz njih smirite, i što između vas uspostavlja ljubav i samilost, to su zaista, pouke za ljude koji razmišljaju

Hazreti Rida r.a. je izjavio: *"Neke žene su blagoslov za njihove muževe, koji iskazuju svoju*

"Ljubav i sklonost

Božiji Poslanik s.a.v.a. je izjavio: *"Najbolje među vama su one žene koje posjeduju ljubav i*

".naklonost

"Hazreti Sadik r.a. je izjavio: *"Kada voliš nekoga, daj mu to do znanja*

Poštivanje muža

Želja za ugledom je svojstvena, ali nije svako voljan da to rado pruži. Vaš muž kontaktira s mnogim ljudima u toku dana dok je izvan doma. Neko može biti neučtiv i uvrijediti ga što bi, eventualno, moglo uznemiriti njegovu ličnost, on očekuje od vas, kao od svoje supruge, da pokažete poštovanje i ohrabrenje u kući i na taj način uspravite njegov pogaženi ego. Poštivanje i uvažavanje svoga muža vas ne omalovažava, nego vam pribavlja energiju i volju da se borite da bi stvorili bolji život. Trebalo bi da ga prvi selamit i svojim selamima odajete osjećaj dubokog poštovanja. Ne prekidajte ga dok govori. Budite ljubazne i učtive kada idete zajedno u posjetu. Hvalite ga pred drugim. Tražite od djece da ga poštuju i ukorite ih ako su neljubazni prema njemu. Poštujte ga pred gostima i budite predusretljivi prema njegovim potrebama, isto kao prema gostima prema njemu. Poštujte ga pred gostima i budite predusretljivi prema njegovim potrebama, isto kao prema gostima. Kada pokuca na vrata, trebalo bi da se potrudite da otvorite vrata s osmijehom i vedrim izrazom. Ovaj mali čin radosti ima takav efekat da osvježava umorni duh. Neke žene mogu pomisliti da je takvo ponašanje čudno. Vaš suprug se borio cijeli dan za dobrobit porodice i zaslužuje malo razumijevanja od svoje porodice kada se vrati kući. Taj prvi selam ostavlja veliki utisak. Ono što je dobro za .gosta, dobro je i za članove porodice

"Božiji Poslanik s.a.v.a. je izjavio: *"Dužnost žene je da otvori vrata i selami svog supruga*

Hazreti Sadik r.a. je izjavio: *"Žena koja poštuje svog muža i ne vrijeđa ga, bit će sretna i*
".uspješna

Božiji Poslanik s.a.v.a. je izjavio: *'Supruga je obavezna da pripremi lavor i peškir da bi muž*
".oprao ruke

Pazite da ga ne ponizite, ne govorite s njim grubo, ne grдите ga, ne budite nepažljive prema njemu i ne oslovljavajte ga nekim pogrdnim nazivima. Ako ga naljutite, on će vas, zauzvrat, uvrijediti. Eventualno, duh ljubavi i povjerenja će splasnuti. Zbog toga, imat ćete stalno svađe i rasprave koje bi mogle dovesti do razvoda. Čak i ako nastavite da živite zajedno, vaši životi će sigurno biti ispunjeni nemirnim trenucima. Osjećanja suprotnosti i psihološki poremećaji mogu se intenzivirati do stupnja kada to postaje rizično po život para i može čak dovesti do zločina.

Sljedeće priče ilustruju neke od ovih momenata:

Dvadesetdvogodišnji muškarac, usmrtio je svoju devetnaesto-godišnju suprugu jer ga je ona zlostavljala. U sudnici je izjavio: "Oženio sam se ovom ženom prije godinu dana. U početku me je žena voljela veoma mnogo. Ali, se potom ona promijenila i počela me ponižavati. Govorila mi je „magarac" i ja sam se toliko razbjjesnio da sam je ubo petnaest putu nožem." Sedamdesetjednogodišnji muškarac koji je ubio svoju suprugu, objasnio je: "Iznenada se njeno ponašanje prema meni promijenilo i počela je da me ignoriše. Jednom me nazvala "nepodnošljivim čovjekom." Shvatio sam da me više ne voli. Postao sam sumnjičav prema njoj ".i ubio je s dva udarca sjekire

Pritužbe i žalbe

Ne postoji niko ko nema problema i pritužbi kada je u pitanju svakodnevni život. Svako želi da ima saosjećajnu osobu kojoj bi se mogao povjeriti i koja će saslušati njegove probleme. Ali činjenica koju bi trebalo upamtiti je da postoji vrijeme i mjesto za sve.

Trebalo bi odabrati pogodno vrijeme i priliku za pritužbe. Neke neuke i sebične žene ne shvataju da su njihovi muževi veoma umorni i razdražljivi nakon dugog radnog dana. Umjesto da sačekaju izvjesno vrijeme da mu se povрати raspoloženje, one ga počnu napadati s bujicom pritužbi. Na primjer, žena može reći: "Ostavio si me s ovom prokletom djecom i odjurio. Ahmed je razbio staklo na vratima hodnika. Naše kćerke su se potukle. Poludjeću od galame djece spolja. Hasan uopće ne uči i dobio je slabe ocjene. Danas sam tako naporno radila i iscrpljena sam. Niko ne sluša moje vapaje! Ova djeca mi nikako ne pomažu u kućnim poslovima. Kamo sreće da nisam nikada ni imala djecu. Usput, tvoja sestra je bila ovdje danas. Ne znam šta je to s njom, ponaša se kao da sam joj ja progutala njeno nasljeđe od oca.Allahu moj, spasi me od tvoje majke! Danas me ogovarala iza leđa. Sita sam svih njih. Uz to, danas sam gadno rasjekla prst nožem. Kamo sreće da nisam jučer išla na Muhammedovu svadbu. Trebalo je da vidiš Rašidovu ženu. Kakva haljina! Allah mi je trebao dati takvu sreću? Neki muževi stvarno vole

svoje supruge i kupuju im prekrasne stvari. To su pravi muževi. Kad je Rašid ušao, svi su obratili pažnju na njega. Istina je da ljude zanima samo ono što si obukao. Šta to ona ima što ja nemam? Zašto bi se ona isticala preda mnom? Oh da, ona je sretna, jer ima muža koji je voli, on nije poput tebe! Ne mogu da podnesem više ovu prokletu kuću, ne mogu više paziti tebe i tvoju djecu. Radi što god hoćeš!"

Ovakav način ponašanja je pogrešan. Ovakva vrsta žena misli da njihovi muževi idu na izlet ili provod svako jutro. Muškarci se svaki dan suočavaju sa stotinama problema i ne znate kroz šta vaš muž prolazi kada je na poslu. Ne znate s kakvim primitivnim i grubim ljudima se mora baviti cijeli dan. Zato, kada dođe kući, ne bi trebalo da mu odmah iznesete sve svoje pritužbe.

Nije on kriv što je muškarac.

Budite poštteni i razumni prema njemu. Ako vi, gundanjem i grdnjom, povećate njegove brige i patnje, onda on može započeti svađu, ili jednostavno napustiti kuću i otići u kahvanu, kino ili park ili lutati ulicama.

Stoga, draga hanuma, u ime Allaha, odrecite se te navike da se žalite u nezgodnim trenucima.

Pronađite odgovarajuće vrijeme i tada ga upoznajte sa vašim pravim problemima, ne prigovarajući mu, nego konsultujući se s njim. Na ovaj način, ne budite neprijateljske osjećaje u njemu, tako će porodične veze ostati sigurne.

Vjerovjesnik Islama s.a.v.a. je izjavio: "Molitve žene koja izaziva supruga svojim jezikom, se ne prihvaćaju kod Allaha čak i ako posti svaki dan, ustaje svake noći, da bi klanjala oslobodi nekoliko robova i daruje svoje bogatstvo na Allahovom putu. Žena poganog jezika, koja uvrijedi svog muža na ovaj način, prva je osoba koja će ući u Džehennem."!

Božiji Poslanik s.a.v.a. je, također, rekao: "Žene iz Dženneta govore onim ženama koje zlostavljaju svoje muževe na ovaj način: "Allah vas ubio! Ne ponašajte se hrđavo prema svojim muževima. Taj čovjek nije vaš i vi ga ne zaslužujete. On će vas uskoro napustiti i doći nama."

Ne znam šta takve žene žele postići svojim gundanjem. Ako žele da privuku pažnju svojih muževa, ili da se pokažu, onda sigurno postižu potpuno suprotno i izazivaju ga. Ako namjeravaju da ga uznemire, da mu stvore psihološke probleme i da ga dovedu do kobnih vještačkih ovisnosti, onda će postići cilj.

Draga hanuma! Ako volite svoga supruga i svoju porodicu, onda bi trebalo da odustanete od ovog neumjесnog i nelogičnog ponašanja. Da li ste ikad pomislili da vaše hrđavo ponašanje može dovesti do raskida vašeg porodičnog života?

Jedan doktor je posvjedočio u sudnici: "Još nikad nisam doživio, za svo vrijeme našeg braka, da se moja supruga ponaša kao prava domaćica. Naša kuća je uvijek neuredna. Ona uvijek više i galami. Sit sam je!" Nakon što joj je isplatio ogromnu sumu novca, zatražio je razvod.

Radosno je rekao: "Da je htjela i tražila svo svoje bogatstvo, čak i svoju doktorsku diplomu, dao bih joj, samo da je se što prije otarasim."

Prema tome, može se shvatiti vrijednost i uloga fine i razumne domaćice koja se razlikuje od .one sa poganim jezikom